

Daxmeh Bienq “Gik” Lo

Youq ndaw yaenqsiengq gou, daxmeh cungj dwg bang gou saeg buh caemxndang, hongranz hix dwg de cienz bau. Hoeng, mboengqneix, daxmeh bienq “gik” lo.

Daj gou hwnj seiq nienzgaep hainduj, daxmeh couh bienq “gik” lo. Gou heuh daxmeh bang gou daek boi raemx he, daxmeh bingzseiz cungj naeuz caj yaep ndeu roxnaeuz ndei ha, hoeng seizneix de cix heuh gou gag guh; denz gwnz mbonq bingzseiz cungj dwg de baeb, daj seizneix hwnj cungj dwg gou gag baeb lo; daxmeh seizneix hix mbouj bang gou caemxndang lo, heuh gou gag caemx; mwh it, ngeih, sam nienzgaep, daxmeh haemhaemh cungj son gou sij cozyez, sij sat le, lij bang gou genjcaz cozyez, bang gou sousib ndei daehsaw dem, seizneix daxmeh heuh gou gag naemj, gag

genjcaz cozyez, gag sou daehsaw. Gij saeh baezlaeng, cungj dwg gou gag guh, daxmeh mbouj bang gou guh lo.

Gaxgonq, ngoenzsinghiz daxboh daxmeh cungj youq ranz buenx gou. Hoeng ngoenzneix gyoengqde cix naeuz miz saeh okbae, mbouj ndaej ma ranz lo, lij heuh gou gag cawj haeux cawj byaek. Daxmeh naeuz: “Mwngz mbouj dwg gyaез gwn gyaеqgaeq cauj haeux ma? Ndaw binghsiengh miz gyaеq caeuq haeux, mboujnex mwngz cawj mienhdiuz gwn hix ndaej.” Gangj le song boux de couh okbae lo. Gou hozndat raixcaix naeuz: “Mbouj bang guh saeh couh suenq lo, lienз haeux hix mbouj bang gou cawj, vut gou bouxdog gag youq ranz, mboujgvaq hix ndei, ndaej yawj densi, loengh dennauj, gwn saeјdaeuz.” Gou sien cienzbouh sij cozyez

liux, youh yawj densi yaep ndeu, raen dungx iek lo, couh bae “sieng-saeјdaeuz” yawj, baez yawj, “sieng-saeјdaeuz” mbouj miz saek yiengh. Mbouj miz banhfap, gou cijndei bae ndaw fuengzdajcawj. Gouj siengj gij yiengh daxmeh baenzlawz cawj byaek gonq, caiq hag gij yiengh daxmeh cawj byaek. Gou sien dawz makyungz swiq seuq ronq ndei, yienzhaeuh daj ndaw binghsiengh dawz song aen gyaеq okdaeuj, caiq ronq ndei coeng caeuq hojduijcangz, doeklaeng dawz haeux okdaeuj. Gou hainduj cauj lo, gvaq yaep ndeu, gyaеq cauj haeux homfwdfwd couh cauj ndei lo. Gwn haeux sat le, gou ngamq hai densi, daxboh daxmeh couh dauqma lo. Gou hujdengdeng naeuz: “Sou baenzlawz vut gou boux dog gag youq ranz ne? Caiq gangj, sou mbouj dwg mbouj ma



ranz ha?” Daxmeh cij riu mbouj han gou.

Doeklaeng, gou cij rox daxmeh dwg daegdaengq yienghneix guh. Laxlawz, daxmeh bienq “gik”, dwg vihliux hawj gou miz naengzlig gag guh saeh, gag rox gwndaenj.

(seiq nienzgaep Yauz Yinhdungz)

Seiqgeiq Mbawfaex

Nae yungz sat, namh loh okdaeuj, gizgiz nyouq daengz heiq seizcin.

Gwnz gofaex hung mbawoiq loh aen’ gyaеuj iq de okdaeuj. Gyoengqde ngamq daeujdaengz aen seiqgyaiq neix, doiq gijmaz cungj geizheih—Yawjraen gyaqci buet bae lumj mbin nei, dingqnyi raemxrij ciengqgo “vava”, nyouq daengz baenz raq baenz raq feihhom vadauz, cungj angqfwngfwng diuqfoux daemh—din. Seizgan daengngoенz dak daihdeih yied daeuj yied raez, duzmoed, saehaexma cungj buet daengz laj gofaex hung guhcaemz guh’ angq.

Seizhah ndatfoed laeglemx daeujdaengz, daengngoенz ndat—fwdfwd ring gofaex, mbawfaex

daenj geubuh heuyau, gyoengqde yungh rengz iet aen ndang, dawz swheij bienqbaenz aen liengj hung ndeu, duzmoed, saehaexma cungj daeuj yietliengz lo.

Ciengz fwncou he ciengz nit he, mbawfaex roxnyinh daengz haethaemh nitsisi. Gyoengqde daenj geu buhhenj youq gyang rumz saenzdwdwd. Raq rumz—cou he bongj daeuj, mbawfaex biek gofaex hung bae, coemj haeuj ndaw rungj daxmeh daih—deih bae. Mbaw ndeu, song mbaw, sam seiq mbaw…… Gyoengqde hawj daxmeh daih—deih bu hwnj caengz damj nanwt ndeu.

Mbouj roxnyinh daengz seizdoeng gaenq daeujdaengz lo, gofaex hung ngiengx gyaеuj yawj



naed nae daih’ it mbin roengz—daeuj, ciepdwk ciengz nae hung deu doeksadsad, nae hoemq caez mbawfaex. Gofaex hung yawj gyoengq lwgnyez doi vunz—nae, dingq sing riu hihi haha gyoengq lwgnyez ninzndaek lo.

Caj daengz seizcin, gofaex ndiu le, mbawfaex youh iet aen—gyaеuj oiqt de okdaeuj!

(ngeih neinzgaep Vuj Yinzdoj)

Gyapsae



Baenzlai vunz youq gwnz raiq gip gyapsae.

Boh ha, vunzlai cungj gyaез gyapsae, cungj naeuz gyapsae ndei yawj, dwg lwi?

—Wgo, mbouj miz bouxlawz naeuz gyapsae mbouj ndei yawj nauq.

Boh ha, gyapsae gwnz raiq cungj dai liux, cungj dwg gij sae’gyap dai bae liux ce gyap roengzdaeuj, dwg lwi?

—Wgo, gij mingh dijbauj gyoengqde senq dai gvaq lwgo.

Boh ha, doenghgiy gyapsae neix, gyoengqde lij baenz duzsae lix seizde, goj ndei yawj baenzneix, dwg lwi?

—Wgo, goj ndei yawj baenzneix go.

Hoeng, boh ha, vihmaz vunzlai cungj mbouj naeuz duzsae lix ndei yawj, caj daengz gyoengqde dai liux, cij gyaез gyap gyoengqde, haenh gyapsae ndei yawj ne?

(Daj 《Bonjsei Sim Lwgnyez》
(Veiz Gizlinz raiz) senj okdaeuj,
Lwgfwnzme/卢奋长 hoiz)

Aen Guenq—romcienz Gou

Gou miz aen guenqromcienz ndeu, baihnaj caeuq baihlaeng de cungj miz lwgvunz riuho, couh lumj dwg vih gou moix baez rom ndaej cienz simhai riuho nei, hix lumj dwg daezsingj gou gaej luenh sai cienz.

Daxbuz ngoenzngoенz hawj gou song maenz ngaenz, gou moix ngoenz cij yungh maenz ndeu. Lw maenz ndeu gou dawz de cuengq haeuj ndaw guenqromcienz bae rom. Ciuq yienghneix suenq, gou singhiz ndeu couh rom ndaej caet maenz. Ndwen ndeu couh rom ndaej samcib maenz, song ndwen couh rom ndaej roekcib maenz. Daengz seiz daxbuz gvaq ngoenzseng, gou couh ndaej cawx bog va ndeu soengq hawj daxbuz lo, daxbuz haengjdingh gig gamjdoengh.

Gvaqlaeng, gou lij yaek rom engq lai cienz, rom ndaej cienz le aeu daeuj cawx gouh haizrodnae ndeu. Daengz seiz gou caeuq dahnungx couh ndaej doxcaez hag rodnae lo.

Yienghneix daeuj yawj, aen guenq—romcienz gou couh lumj aen loengxbakbauj ndeu. Gou yied daeuj yied gyaез aen guenqromcienz gou lo!

(ngeih nienzgaep Cwnz Gyahyih)

